

STONOTENISKI SAVEZ BOSNE I HERCEGOVINE
SARAJEVO

**PRAVILNIKA O RADU KOMESARA
ZA TAKMIČENJA**

PREMIJER LIGE BIH ZA MUŠKARCE I PREMIJER LIGE BIH ZA ŽENE
PRVA LIGA BIH ZA MUŠKARCE, DRUGA LIGA BIH ZA MUŠKARCE I
TREĆA LIGA BIH MUŠKARCI

PRVA LIGA BIH ZA ŽENE

Sarajevo, Juni, 2014.

PREMIJER LIGA BIH MUŠKARCI/ŽENE
Prva, Druga i Treća liga BIH za muškarce i Prva liga BIH za žene

Član 1.

Ovim Pravilnikom se propisuju jedinstvene odredbe o rukovođenju takmičenja u Premijer muškoj i ženskoj ligi i Prvoj, Drugoj i Trećoj ligi BIH za muškarce i Prvoj ligi BIH za žene.

Član 2.

Premijer ligom za muškarce i žene i Prvom, Drugom i Trećom ligom BIH za muškarce te Prvom ligom BIH za žene rukovodi Komesar lige kojeg na prijedlog Takmičarske komisije i Komisije za unapređenje stonoteniskog sporta imenuje Predsjedništvo stonoteniskog saveza Bosne i Hercegovine. Sistem takmičenja svih liga opisan je u Članu 9 Pravilnika o sistemu takmičenja.

Član 3.

Mečevi u Premijer muškoj i ženskoj ligi igraju se prema usvojenom Kalendaru takmičenja za tu sezonu i to subotom u 16:00 sati i nedeljom u 11:00 sati. Pomjeranje satnice se može vršiti samo u dogovoru sa Komesarom lige. Radi regularnosti takmičenja svi mečevi zadnja dva kola Premijer muške i ženske lige moraju se igrati u isto vrijeme subotom u 16:00 sati.

Član 4.

Za normalno odigravanje mečeva klub domaćin je dužan obezbijediti sljedeće:

- ✓ Sudijski sto sa ručnim semaforom za pokazivanje rezultata.
- ✓ Klupe za igrače, doktora i trenera
- ✓ Posebnu prostoriju za lijepljenje guma
- ✓ Službenog predstavnika domaćina koji će se starati o obezbjeđenju potrebnih uslova u dvorani.
- ✓ Za vrijeme odigravanja meča, preko službenog predstavnika zabraniti pušenje u dvorani, ometanje normalnog odvijanja meča, vrijeđanje igrača i službenih lica od strane publike, a na zahtjev delegiranog sudije odstraniti pojedince ili grupe iz dvorane.

Član 5.

Odmah po završetku meča (isti dan) sudija je dužan obavijestiti Komesara lige o rezultatu utakmice, a zapisnik sa meča dostaviti u kancelariju saveza u roku od 48 sati. Žalbe jedne ili druge ekipe mora biti pismena i navedena u zapisnik.

Član 6.

Klub domaćin je dužan najmanje 5. dana prije zakazanog meča pismeno obavijestiti gostujuću ekipu, Komesara takmičenja o tačnom mjestu odigravanja meča, vremenu njenog početka. Komesar lige obavještava gostujuće ekipe o detaljima meča.

Član 7.

Mečevi se neće odigrati i biće registrovani službenim rezultatom 4:0 ako:

- ✓ Gostujuća ekipa iz neopravdanih razloga ne doputuje, ili doputuje nakon zakazanog termina za odigravanje meča.
- Pod opravdanim razlozima podrazumijeva se spriječenost zbog više sile, duži zastoј u saobraćaju zbog saobraćajne nezgode uz dokaz saobraćajne policije, vremenskih nepogoda, proglašenje epidemije na cijelom prostoru BiH, o čemu se mora blagovremeno informisati domaćin meča.
- ✓ Klub ne izvrši blagovremenu uplatu svojih obaveza prema stonoteniskom savezu Bosne i Hercegovine ili sudijama na način kako bude definisano posebnim Pravilnikom.

- OBAVEZE PREMA KOMESARU LIGE

Član 8.

Ekipa iz Premijer lige koja iz neopravdanih razloga ne doputuje na meč biće kažnjena sa 200,00 KM, gubi meč sa 4:0 i kažnjava se oduzimanjem **jednog** (dva) boda. U slučaju da jedna ekipa iz neopravdanih razloga dva puta ne doputuje na meč, biće isključena iz Premijer lige u niži rang takmičenja.

Ekipa iz Prve, Druge i Treće lige koja iz neopravdanih razloga ne doputuje na turnir biće kažnjena sa 200,00 KM, gubi sve mečeve sa 3:0 i kažnjava se oduzimanjem **jednog** (dva) boda.

Igrač/ca/trener koji dobije žuti karton kažnjava se novčanom kaznom od 30 KM, a igrač koji dobije crveni karton kažnjava se novčanom kaznom od 50 KM.

Igrač/ca/trener koji dobije dva crvena kartona, pored novčane kazne kažnjava se zabranom nastupa/vođene za naredno kolo lige.

Član 9.

Ne izvršenje finansijskih obaveza, uplata novčanih kazni povlači automatsku suspenziju i pokretanje disciplinskog postupka prema Disciplinskom pravilniku Stonoteniskog saveza Bosne i Hercegovine.

Član 10.

Komesar lige ima pravo na mjesečnu nadoknadu za rad, čiju visinu utvrđuje predsjedništvo stonoteniskog saveza Bosne i Hercegovine pred početak sezone.

Član 11.

Tumačenje ovog Pravilnika daje predsjedništvo Stonoteniskog saveza Bosne i Hercegovine.

Član 12.

Pravilnik stupa na snagu i primjenjivat će se danom usvajanja.

Sarajevo, Juni 2014.

Predsjednik STS BiH

Slavko Antonić